

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Leopoldo Romanorum Imperatori Semper Augusto, Pio, Felici, Pacifico;
Germaniæ, Hungariæ, Bohemiæ, Dalmatiæ, Croatiæ, Sclavoniæ, & c. Regi
Potentissimo, Serenissimo.

urn:nbn:de:hbz:466:1-38580



LEOPOLDO
ROMANORUM
IMPERATORI
SEMPER AUGUSTO,
PIO, FELICI, PACIFICO;
GERMANIÆ, HUNGARIÆ,
BOHEMIÆ, DALMATIÆ, CROATIÆ,
SCLAVONIÆ, &c.
REGI POTENTISSIMO,
SERENISSIMO.

HISPANÆ Virginis Vitam Hispa-
nicam, Serenissima Hispania-
rum Regina, sibi passa est, à suo
offerri Vasallo: patere Tu quoq;
AUGUSTISSIME ROMANORUM IMPERATOR,
eandem traduētam in linguam Romanam,
TUÆ MAIESTATI, à subditorum TUORUM
minimo dedicari. Clementia TUÀ faciet, ut
culpæ sit expers dedicantis audacia, útque

à libertate offerendi absit temeritas. Neque
metuere poteram, ingratum fore, AUGUSTIS-
SIMO FRATRI, quod SERENISSIMÆ SORORI
placuit: imò clementer excipiendum sa-
crum hoc munus, à SACRA TUA MAIESTATE,
non leve mihi fuit argumentum, quòd scive-
rim, in AUGUSTAS TUAS manus devenisse,
Vitæ hujus Librum Hispanicum, nec ambi-
gere potuerim, quin, ut probare sacra soles
omnia, TUÆ MAIESTATI placuerit. Audeo
igitur me ad Augustalis TUI fores, etiam
cum Latino sistere, eumque, TUÆ MAIESTA-
TIS gratiâ & benignitate fultus, TUIS, non
tam terendum, quâm protegendum poten-
tissimis manibus; & oculis serenissimis, non
tam lustrandum, quâm illustrandum, offerre.
Quod cùm facio, atque TUÆ MAIESTAS ratum
habet, omni solutus metu, interpretationem
meam, Augustissimo TUÆ MAIESTATIS No-
mine illi præfixo, quorumvis Criticorum
obelis impetendam, non tamen expungen-
dam, propono. Videlicet (ut verbis Poly-
historis Lipsij utar) sicut insignia Principum,
ædibus, prætorijs, villis appendimus, contra vim & potentiam, sic
sacra eorundem nomina Libris, contra calumniam & vivo-
rem, præfigimus. Neq; enim Principibus hic aliquid
quaritur

quaritur; non aliter, ac, cùm DEO sacra facimus, & donum ponimus, nostrâ id sit, non ipsius causâ. Estis verò, Pij & Justi Principes, Dij & Divi, cùm verum sit, quod præclarè AUGUSTORUM Principum Princeps AUGUSTUS, apud Senecam, dixit: *Pietate, nimis*
rum, & justitiâ, Principes, Deos fieri. Atque horum Principum Principem, TE, AUGUSTISSIME CÆSAR, censendum ille negaverit, qui nescit TUAM MAIESTATEM ex ijs esse, de quibus vetere illo diafyrtico dicitur: *Omnes bonos Principes in uno annulo posse perscribi;* in cuius annuli gemma, Tu scribendus es. Vsque adeò rara est, & ab omni maligniore censura immunis, pientissimorum MAIORUM sanctitatis æmula, TUA Bonitas ac pietas: quam admirandæ istius Vitæ lectione confovere, auctiorémque reddere, non dignaberis, Tibique sic Venerabilis MARINÆ demereri favorem; ut diu, & gloriose, ex voto bonorum omnium, imperes. Est illa coeli ac D E I CLAVIGERA, quia tum à DIVO PETRO, tum ab ipsomet CHRISTO, aureâ fuit donata clavi, quâ cœlestium, TUÆ MAIESTATI, pandet gratiarum gazophylacium. Filia spirituælis est meæ Societatis, quæ doctrinæ suæ, atq; institutionis lacte & pabulo eam enutritivit;

ideóque non poterit TUAM MAIESTATEM,
unaque AUGUSTISSIMAM DOMUM, munifi-
centissimam ejusdem Societatis nutritiam,
quàm benignissimè è Cœlo non tueri: effi-
ciétque, gratioſo ſuo, apud DIVINAM
MAIESTATEM, patrocinio, ut hæc, MA-
IESTATEM TUAM, optatissimâ, universi
Christiani Orbis bono, fecundet posteritate.

AUGUSTISSIMÆ TUÆ MAIESTATIS

Infimus Seruus

MELCHIOR HANEL, è Societate JESU.